

煙霞萬古樓詩集

三
印 掃葉山房校

仲瞿詩錄卷一

徐渭仁輯

城南雨夜與鐵雲姨丈話舊

昨宵篝火聽雞聲夢裏橫行見長卿吳下名儒無後輩燕南才子
是先生羊公譽鶴渾難舞平叔刪書敢便成喜與徐公
謂朝玉
孝廉同
彥會半篇漁父坐三更

夫子聲華日下傳出門也是別離天婿鄉住後吳音熟母黨傳來
阿士賢海內英雄餘子在南中骨肉幾人全西州賣斷羊曇路判
取衷腸話兩年

劍合雌雄暗自誇飛騰還讓渥洼駒文章不負三條燭名姓爭添
一榜花元度官銜新著作終軍容貌舊年華天南回首南湖路一

帖泥金祝到家

住穀城之明日謹以斗酒牛膏合琵琶三十二弦侑祭於西

楚霸王之墓

穀城山曉黛蒼蒼絃酌相逢拜憤王百戰三年空地利一身五體
竟天亡明分天下資劉季誤讀兵書負項梁留部瓠蘆全漢在英
雄成敗太淒涼

秦人天下楚人弓枉把頭顱送馬童天命何曾私赤帝大王失計
繼江東早推函谷收圖藉何必鴻門殺沛公明縱咸陽三月火讓
他婁敬說關中

黃土心香一剝塵英雄兒女我沾巾生能白版為天子死剩烏江
一美人壁裏沙蟲新子弟烹來功狗舊君臣戚姬脂粉虞姬血一

樣君恩不庇身

奉和舒鐵雲姨丈見贈之作

神龜風雨殺豬婆送我南船抱白鼉下第書生留大命公車舉子
踏天河水官解厄城三版仙女療飢米一螺留得姜肱麤布被大
牀已被惡龍拖

五色明珠一斛才大羅天榜又橫開紅紗古鬼魔宜退老女當梁
嫁也該名將七擒終得賊死胎三墮或生孩金丹火字泥金紙逼
得鎗光響爆來

查橋寓館值鐵雲姨丈松郡未歸作詩見意是日得奉先生
二書猶先年題封也

琴尾

先生詞名

千金帚

時朋好有歛錢為刻詩詞者

鷄林價莫如兩家長慶集

曩者宋汝

和觀察嘗取先生及墨詩合刻為皋橋今雨集壁間多黏四海故人書親朋筆札繭紙三君老門法梧

士嘗作三君詠謂先紅鸚一幃虛謂所撰海紅宛邱頭打屋喜近生與孫子瀟及曇也

聖人居查橋在蘇府學宮西北

白季憐枚叔姨弟枚從季舅姨兄愛孔融次弟樓年十三讀書等

月猶緼祿出女弟圖華以八月鶴已鳳皇同幼弟長松生時感松

之紀宅相郅公在家風渭水窮羊曇有餘淚淒惻舊黌宮曇讀書外祖夏

峯先生紹郡學舍時姨母年才十二今忽忽已三十年矣

感慨悲歌士風流儒雅師每承三體字必寄五言詩是日得書一紙三體青

烏雲間遠洪喬水上遲舊冬承附書於鄭八員外一書重領取心節亭至杭見訪不值而去

與夜航期右見餅水齋集

海上雜詩

江北江南遊盡春茫茫一粟到迷津神魚擊水狂生事小鳥含沙
細女身外海七奇曾有志撐天一柱竟無人當初誰賦三千字祇
覺陳言不切真

渤海

文山南望逆河濱颶母風來不可聞聚議且無秦博士伏波能有
漢將軍中原地偏長城短海外天寬島路分一扇帆竿風八面古
來防守最紛紜

文登山

欲全唐祚婢亡身一輩同流有四人功在八年名父子死能一怒
定君臣書傳堯典渾難信尸副

入聲

吳刀必不真豈有元魚人化獸

中天冤案未曾申

羽山
絲城

長城一面飲朝暎又噉滄瀛闢一閭中國果然秦萬世相公能免
蔡東門祖龍文字真奇僻牽犬功名太老昏欲取蒙恬新不律重

書三字與招魂

秦東門李斯刻石

王朗欲除秦帝廟江南亦有始皇宮燒書恰是英雄伎血祭何年

俎豆空一統能懲周失計長城足與禹同功

江東吳越開至今有禹秦二皇廟讀三國

王朗傳知合祀已久

古來暴主聰明事也有微勞利後侗

秦之果山經秦皇宮下

康公城畔露蒼蒼間抱山經讀大荒齊有諸田同日盡楚留三戶

勿能忘豈無淵藪逋逃地誰是扶南不死王寄語受降城外客古

來鯉海有滄桑

時廣南多艇賊即安南黎氏之部屬也田橫寨

神仙富貴雨紛紛人莫聰明過十分老去英雄多諱死古來臣子

半欺君毋甯好色汗青史且勿長生笑白雲尚有望仙門子在蓬

萊山是武皇墳

漢武帝望仙門

百萬邊儲庫鋌空漆城豈許寇來攻士無勝國盧忠烈地有奇才

戚總戎名將何曾能好死

謂胡忠憲

婦人也要在軍中翠翹畢竟奇男

子到底收成有大功

備倭城

蓬萊小縣有荒阡少保松楸少祀田官帑不過縻十萬南兵只要

將三千簞鐙肅法中軍靜鼙鼓吟詩萬馬眠莫笑輕裘勤著述老

生紙上有多年

戚少保墓

赤闌千外一回旋刻蹟心傷此十年好景可容含淚笑人間原有

盡頭天

李斯書此三

愁城雨所筐羅大窮海三周栲栳圓聞道神

仙笑凡骨可能凡骨換神仙

蓬萊閣

無端兩目冒紅紗二十八天雲欲譁未必青天逢鬼市安知海外

没人家如看好畫開心孔真住迷樓必眼花豈是仙山身不到總

嫌池館太繁華

蜃樓海市

丹崖石壁畫難摹好幅橫長赤壁圖朱勔留傳真艮嶽石崇敲剩
古珊瑚補天材料精華在全蜀山川縮本摹欲遣米顛來一拜洞
天清品似渠無丹崖奇石

船又平平浪又恬城樓三鼓月初銜身疑列子風難御水比西湖
味少鹹從古無人遊赤壁中流有島是峭函北宋守備之地魚龍不阻狂

奴興再有飄飄借半帆泛海玩月舟自彈窩出洋長風乘興直抵長山諸島

小泊鼉磯不得眠紅光燒熱蔚藍天秦人避世桃源裏伊尹乘船

日月邊問俗已離頭痛國先日患頭痛登山真勝肉飛仙當時枉讀楞

伽典直渡重洋始惘然鼉磯小泊自珍珠門放櫂中流觀日月並出右見頤道堂集

解孝子行

解孝子入火抱棺身不死冒火而出風反火走火冷於水火之神

矣可以災逆臣之臍而不燒解孝子解一明哉神哉曰城隍尊嚙血

一紙爪髮代親臺駘可崇二豎不靈神乎神乎活孝子之父而不

奪孝子之年呼神曰天解二黃泉之水入於母棺母棺不燦子淚不

乾哭水生魚哭竹生竿吾歌孝子之德天慘而不歡解三

將進酒贈南屏小顛上人

濟公一生醉如鯢死作靈山去來佛濟公不生酒不清濟公不死

佛不滅醒中三昧醉中春酒字南山大法門山前失卻瓢壺帚三

十七代無兒孫顛師大演西來法酒竿打起門前刹三千魔女醉

來呵五百僧人醒來喝一家衣鉢掛南屏提出千年老酒瓶旁邊

署个醍醐字可似楞嚴十卷經酒為功德水能澆煩惱薪阿難不

吃酒呼作驢入羣目蓮不吃酒終古沙蟲一細民伽羅龍好兒女

要湖要海杯中取香膠布作大慈雲醺飲吹成法華雨只勸阿顛
飲不勸阿顛止文殊不出女兒定何況酩酊醉男子但恐岡明沒
眼老鬼瞎勘破機關笑人死人勸阿顛止阿顛口不開一杯復一
杯彌勒何時來打穿洞底盛糟具脫下娘生當酒材東家吃酒西
家醉如此針鋒少人對儂是天官大酒人一甌送上龍華會

善才生二十五月矣計識得二百五十餘字示以詩云

阿爺四歲識千字一一形書曉其義兒今三歲字二百他日為文
定奇特人間識字天上嗤阿爺自誤還誤兒莫學阿爺知書娘
道好至今餓死無人保夷齊廟裡要香煙誰捧藜羹到門禱阿爺
配食兩廡去賴爾門庭來洒掃秦王燒書黑如炭豫讓吞之不當
飯魚鹽作相盜作將天下功名在屠販兒不聞倉頡作字鬼神哭

從此文人食無粟又不聞軒轅黃帝不用一字丁風后力牧為公卿

弄書行示善才

書不弄兒兒弄書愚公之子如公愚牢把一冊愛如命撇得中庸便論孟睡來不放醒叫呼阿兒餓死前生定人家一蠅生一蠅生到螻蛄骨不改不然龍生九子子子別弄水噴雲性還在仲尼少小愛俎豆十年廟食尊彝侑子輿生長託黌宮到今血食黌宮中但願吾兒讀書讀貫上下古不願吾兒一科一甲呼吾父

項王廟

立馬一呼千人號咸陽大火不足燒十八諸侯作臣子如何不舞鴻門刀陳平美奴張良女淮陰之少小兒乳功臣反面見君王吾

亦傷心老亞父君王如玉妾如花君馬一走天下瓜赤蛇不死白
蛇死妾骨空闌垓下沙兒女英雄雨不足水廟山煙吾來宿八千
子弟大風來父老江東到今哭

登翠微亭

江中日落衣帶圍西風吹人人不歸水禽膊膊水中落有翅不得
空中飛拍手呼山山欲笑老馬銜枯向空叫君不見晨風兒布穀
飛來化為鷓鴣朝遊武昌雲墓踏海西石滿山紅樹一江風萬里長
空遮不得

獨秀峰歌

須彌之尻崑崙骨面目鬚鬚性情倔穿山伏地四千年偶向南屏
露髯鬚盤王運斧君向逋女媧大索天下無君藏君顯世不測神

物肯與凡人奴天公命汝龍蛇壑太白昏荒夜星落鵲鷗惡鳥避
空山風雨一聲鬼神作願君勿化雲化雲震天君洞庭小龍女兒
子赤腳咤咤如有神君勿化為雨化雨須隨雨師舞不如兀兀坐
巖阿月帽風裙好千古君不見秦王纜石天下桀一朝斷化黃金
佛百年香火何有無至今頭帶共工血

對雨

男兒少不成名三十許日日浪浪聽山雨雨聲不住人耳聾抬頭
不見天上龍一蛟盤天受天語魚鼈鼉鰍半空舞三十六鄉都是
雲白日一照天下春河伯外臣日之使何不捫天洗天水雲中妖
蛟有時墮吾亦登天見龍子

大雨搨禹廟窆石題名紙溼不得上石

空山一聲泥滑滑雨脚渾泥雨中沒鬼神不許瞰山文大隊雲師
怒唐突女媧昇車補天漏禹廟中心天有竇虛空水孔大於孟雷
公一鳴小龍吼如王好治地上河功成不刻天河波稗槌石上人
名姓洪水年間担水婆

碁盤山為大風所倒

春衫砉砉風礪刀東塍西塍看紅桃燒香女兒顏色嬌招我來看
碁石高仰而望之山如尻笏立兩石中火窯窯間之僧老且妖胡
隴閣閣聲如潮似云正月初四朝神風刮我庵頭茅又云天公大
怪南斗北斗不管事日來手譚坐隱山之椒金星招之不肯罷下
遣雷公撤取棋盤燒燒之不肯熱礮斧不敢敲雷公奏帝此石乃
是混沌未闢一大局下管十二萬陽九百六一隻無可饒一局復

一局雖有五星日月氣孛羅計難通逃南斗輸一隻五湖如旋飈
北斗輪一隻三王四帝爭滌濠秦王漢武局中一隻劫昆明赤土
三層焦一隻不到處魚頭赤子湯火澆當今閻浮天子彌勒下世
萬萬歲日兄月姊親同胞老天下不變道不變此局破碎當掣銷天
公聞言大歡喜傍邊玉女投兩帛華山巨靈蜀山五丁渠是地力
小界不動道是六州之鐵生鑄牢風姨娘子貌如春花一十八手
弄風輪繚口宣玉皇旨腳踏南山腰三呼復三吸百人與一瓢三
百六十子連瓜帶蒂抹入南塘均南斗罷去北斗走有如鴉翻雀
亂歸雲霄唯有煌煌北極寔是定盤心中第一子口傳二十八宿
司宮司度守定唐堯朝吾是爛柯山樵老士骨難換人未死胸中
一盤十七史粒粒覆棋手可指上山下山拾死子

右見鴉藤
山館詩話

虎邱山窆室誌

飛鳥之跡蟬脫之殼騰蛇之灰神龍之角名之於人亦猶是乎盡
綿上為介推田環會稽為范蠡地身名不滅亦何藉乎一隴之松
一棺之石置塚要離墓旁求葬西門豹側哉憂竹帛之不書文章
之不立於是趙岐自為壽藏王稚預卜繭室顏清臣自作墓誌杜
子夏臨終刻石繫可哀也曇字仲瞿一名良士吳郡由拳杉青人
也私窺中秘空洛陽市肆之書學射十年盡寇恂淇園之竹年數
歲祖瑩聖小之稱張堪神童之目凡將急就元尚之篇八法六技
史籀之錄然糠滅漆斷蘆削竹棄豕亡羊忘羹竊肉減油置鐙藏
灰節爨墮馬據鞍穿牀升屋異書借鈔官書竊讀落燼晨明警枕
夜觸讀道邊之碑覆圍棋之局如是多年而陸澄號為書厨李善